


نومرو : ۱۰۱

اداره خانه

ایستانبول، جفال اوغلی، دائره اجتهاد

تله فون نومروسی : ۸۶۵  
" Idjtihad " Constantinople

بشنجی سنه



حریت فکریه یه خادم  
نجشنبه کونلری چیقار اجتماعی، ادبی مجموعه

مدیر مرخص : الہامی صفا

۱۰ نیسان ۱۳۳۰

آبونه

سنه لك آلتی آیلق

تورکیا ایچین ۵۴ غروش ۳۰ غروش  
ممالک اجنبیه ایچین ۱۵ فرانق ۸ فرانق

نسخه سی ۵۰ یارم

ایله داوراندیغی بندن صاقلامادی!.. وبکا آئیده کی وجهله بیانات ده بولندی :

— انکلتره فنا بر قوقو ایچنده : بوزمانلرده جرمانیایه کلن هیج برانکلیر یوق درکه مملکتک فنا بر قوقو ایله مشبوعیتیه اوزون مدت شهده قالا بیلسون .. ( فاس ) ، مرور زمانله زائل اولاجق آجی بر حس ملی بر اقدی ..

« بوحسری گیده ره جک برداروی محبتک کشفه قدر دوام ایده جک برشی وارسه ، اوده حرکات انکشافی بالظه لاملق ایچین ، جرمانیانک ترقیات واتساعتیه انکلتره نك ائنه بوینه ، آچقندن آچیغه ، عنودانه برسد حائل اولارق یرلشدیکنک اعتراف اولونمسی در ..

بواطمئانی ، طرفرزدن هیج بر مقابیل اعتراض ، جزئی بر درجه ده بیله ، صارصاماز .. بونی ازاله ایده جک « سویلندیکی وجهله احوال صلح جویانه در .. طرفینده کی تأسیس و داد قومیتلرینک مساعیسی ، ( وول فیش بهی ) ک ترکی کبی ، افعال مادیه اظهار اولمادقچه هیج برایشه یارامایه جق در .. ( آنغلو - جرمن ) لوحه سنده ( سیرئودار غرهی ) ک سیاسه بعض جرمن رجالی مشثوم بر چهره کبی باقیورلر ! . بر طاقملری ده بزى دوستلری اوپرکن ایصیرمق ، صوقق ، غنغه سیاسیه سی ایله تعیب ایدیورلر ! .. فرانسه یه قارشی کور کورینه تعهدات صادقانه مزدن برشی اکلایه میورلر ! .

« اکر وضعیت حاضره نك مشکلاتنک بنده حاصل ایتدیکی حسیاتی صورارلرسه ، یکی جرمانیانک معین احتراصاته انکلتره اولدقچه مردانه مساعدات عادلانه ده بولونمغه مهیا اولمادقچه ، وضعیت وخیمه نك محقق ظهور ایده جکی سویلک ده ذره قدر تردد ایتهم ! .

« اکر بزهندستانک آلمانلر طرفندن استیلاسی تسهیل ایده جک دیه ، آسیای صغری دن عجم کوروزینه کیدن جرمن دیمیر یولنی هضم ایده مه مک ده دوام ایدرسه ک ... اکر دنیا نك تجارت یوللر نده ، معین منافعه می تحت تهلکه یه قویه جق دیه ، یدی انکین بحر محیطک کوشه لرینه نوتجی لر قویه رق ، هر جرمن احتراصی انبساطنی بو غمق ده تمرد

## آلمانیا ایش باشنده ..



( قامبون ) ك ( آلمانیا ایش باشنده ) عنوانی کتانبندن بر بندینی نقل ایدیوروز. ترقیات و محصولات صناعیه سی جهانیه داستان و عالمی مستولی اولان « جرمن » قومنک اسرار و منابع تعالیسی بو اثر تشریح ایدیور . شمدی یه قدر بو وادیده تفوقلری محافظه ایده بیلن انکلیرلک اویانیق اویقولری قورقوی و وئالره دولدران بو دهاش عرقك مطرد . منتظم صوات و شاقه لرله آنغلو - ساقسونلره بر منصوبه صنعت اقتصاد تطبیقنه ناصیل بذل قدوت ایتدیکنه دائر بر فکر ایدنک ایچین اول امرده انکلتره نك ( شه فیلد ) اعمالات حربیه فابریقه لری مدیر و صاحبی متفنن شهر مستر ( روبرت هات فیلد ) ك ( ده بیلمه یل ) غره نك ( برلین ) مخابریله بر ملاقاتی و صوگرا مؤلف کتابک مقدمه سی اوقویه لم :

آلمانیانک مرامی نه در ؟! — جرمانیانک حیات صنعتکارانه سی نك مشاهده سی علاقه دار دماغلرده نه کی انطباعات بر اقییر ، و جرمانیانک مرادی نه در ؟! بتون بونلر ک هپسی ، معتادک فوقده بر درجه ده ، اشیاء و اشباحک سطوحندن ایچ یوزنی کوره بیله جک شرائط اقتداری حائز کزیده برانکلیر طرفندن جمع اولندی .. وطنده واجبی ده بر چوق جمعیات فیه نك یاریم دوزینه آلتون مدالیه لرینی حامل ، ( پشته فیلد ) آلات قاطعه عامللرینک استادی ، مانعائزلی چلیکک مخترعی ، انکلتره نك دیمیر و چلیک دارالتجاری رئیس سیر ( روبرت هات فیلد ) جرمانیاده تام اون بش کونلک بر اقامت مدقفانه نی ا کمال ایتدی . قیصره قدیم اولندی ؛ آلمانیا حکومتنک اولیای امور یله ، متفنن لر یله ، بیوک ایش آدملریله اختلاط ایتدی . پک آز اجانبه بخش ایدیلن ( قروپ ) دارالصناعه معظمی ، جرمن وطنینک بومعروف سلاح و در تنوط معمللرینی بونلر تفتیش امتیازیله کامیاب اولدی ...

سیر ( روبرت هات فیلد ) ، آچیق قاپی طرفداری برلیبرال ، آلرینه ، قورشون و کولله اعمالندن زیاده صاپان دیمیرلری دوومک یراشیر ، جرمنجی بر محب مسالمت در . ( برلین ) آمریقا سفارتخانه سنده ( روبرت هات فیلد ) جرمانیاده کوردکاری ، ایشیتدکاری اولدینی کی بکا سویلدی .. یالکز ( قروپ ) ك کمال متانت و نزا کتله کشر فی مدعونه بیلک بیوک بر احتیاط و تمکین

اول یاپیله جق ایش ( آنگلو - جرمن ) هوای نسیمی سنک  
مخاصمت و اشباه دومانلردن تطهیر و تنویر ایدلسی در...  
انکلتزه و جرمانیاک هر ایکسی ده ایش ملتلی در .  
تقریباً هر بری دیکرینک الک ایی مستهلکی در .

« ( آنگلو - جرمن ) اخوتنک تأسیسی نه ایچین ایش  
آدملرینه حواله اولونمسون؟! بیوک آلیش ویریشلرک  
مجرای یومی سنده پیشمش انسانلردن زیاده بو ایشی  
باشارمق ایچون عجا کیملر ده ایی اوصاف لازمه یی  
حائزدرلر؟ »

« ( اتلاف مساعفه کار ) تسمیه اولنه بیله جک برونیقیه یی  
مهرله مک و مذاکره ایتمک ایچین قانون شناسلردن ،  
مهندسلردن ، کمی مجهزلردن ، فابریقه تورلردن ، ناشرلردن ،  
تجارلردن ، بانکرلردن اولمق اوزره طرفین حکومتلری  
اوزر بیوک ذاتی ، صلاحیات واسعه ایله ، بواصر مصلحانه یه  
تعین ایتسه ایدیلر نه اعلا اولوردی ... بو عملی آدملرک  
مساعی یی ایله بوتون انکلیز منافعتک محافظ سی وهر  
جرمن آرزوسنک تطمینی ایچین ، اوزلاشماق ممکن -  
می در؟ .. ( ده یلی مهیل ) غزته سی حائر اولدینی واسع  
اهلیت ایله شو فکر رهاکاری خلقمزه تفهیم و تعمیم  
ایتمکی درعهده ایتسه نه ایی اولوردی ... مرخصلر  
میاننده زنهار آمیرالر ، جنرالر ، دیپلوماتلر بولندیرلما -  
ملی در!! .. مسلک لرینک ایجابندن اولاراق بو آدملر  
قصیر البصر ( میویق ) کیسه لر در!! .. مسئله نک  
( اونسز اولمازی ) جرمنلر طرفندن حکم اصولنک قبول  
ایدلسی در . شمذیلک حکم اصولی نظر ملاحظه یه آلمه یی  
ایسته میورلر کی ... بر ملتک مه دلکنه هر وقت حربک  
اساس اولما دیغنی اونلره آکلاتمق اقتضا ایدیور .

— جرمانیاک محیر العقول ترقیاتی جرمنلر حرب  
سفینه لری انشاسنی توقیف ایده جکلرمی؟! .. مسئله ، سیاسی  
و سوق الجیش اولمقدن زیاده ، اقتصادی اولارق نظر دقتمه  
چارپیور . جرمانیاک انشآت بحریه پروغرامنی ، اقتصادی  
بر تهلکه هزیمته دوچار اولمقسزین توقیف ایده بیلمه سنی ،  
بن کندم ، ایی کوردمم .. و یونی نه حق ایله بز انکلیزلر  
جرمنلردن طلب ایده بیلیز؟! ..

ایدرسه ک ... اکر آفریقاده ، جنوبی آفریقاده ، شرق  
قریبده جرمن مستعمره ایمپراطورلغنه محصولدار  
اراضی نک انضمامنه مانع اولغنه چالیشمقده مصر اولورسه ق..  
و بو بزه غیرقابل تبدل بر غایه ملی اولورسه یوزده یوز  
نیایی هر ج مرج ایده جک قانلی بر اغتشاشه ؛ شمال  
دکزی وولقانلر ایله قاپلایه جق ، تاریخ بشریتک پر نار  
ورماده ، الک جهنمی بر حرب قیامت نمونه حاضر اولمی یز!! ..  
بو خصوصده هیچ بر انکلیز تردد ایتسون! .. بوراده  
محافل مسئله ده سویله تن سوزلردن استدلال اولتان  
شوکه : بوندن بویله جرمانیا - سیاسی و کشوری -  
کندیسنه زورله ، وجودینه یایشان بر جانباز دونی  
کیدرلمه سنه تحمل ایده میه جک!! .. بو حالت روحیه و ذهنیه  
نه قدر ارکن ادراک اولونورسه صلح عالم ایچین اوقادار  
مسعود اولاجق ...

— یکی بر اتلاف مثلث! ..

« ملاقات ایتدیکم جرمنلرک همان هپسی ، عمومیتله  
انکلیز دوستی اولمق ادعا ایدیورلردی .. بر چوقلری  
مقدرات و ترقیات جهانک آتی سنک انکلتزه - جرمانیا -  
جاهیر متفقہ آمریقادن مشکل بر سه پای مدینتک ذروه سنه  
تحمیلی ایجاب ایده جکنه ایمان ایدیورلردی . بو اوچ  
بیوک ملتک آل آله مدینتک ، زراعتک ، صنایعک ، تجارتک  
احتیاجات مشترک سی ایچین چالیشمه لرینی تمی ایدیورلردی .  
یالکز چینک استقبالی بونلری یان یانه کتیرمه یه کفایت  
ایدردی! .. بو اوچ ملت سکنه باشنه حسابیله دنیاده  
هر ملتدن فضله دمیر صرف ایدیورلر! .. بو کون ( چین )  
دنیاک الک باکر ، الک مبذول ، ده آل سورلمه مشر کومور  
و دمیر معدنلرینی حامل بولونیور!! .. اخیراً ( تلمس ) ه  
یازدیغ بر مکتوبده کوستردیکم کی ، بویله لایقنا بر منبع  
ارزاق تمدنک کمال بکارت و مبذولیتله موجودیتک انکلتزه ،  
جرمانیا ، جاهیر متفقہ آمریقا ایچین اهمیت عظیمه سی  
آشکاردر! ..

« ( چین ) اوزرینه مهیای صولت اولان بویله بر اتلاف  
مثات دیکر ده نازک مسائله بر تقرب دوستانه نک نیچون  
طلیعه مبشری اولماسون؟! .. بو غایه نک تحقیق ایچین الک

حسیاتی مرآیانه او قشامقله وقت کچیرلدیکنک آینه انعکاسی در ... حرب دن صوکر ، معقول اولق دن زیاده موسوسانه برتباعد و طنپورانه ، بزی آلمانلردن اوزاق طوتیسوردی .. بزه چوق قنالقاری طوقونان خیالرله کندمزی اویوتدق و اویالادق . بویکی ایمراطورلنک ، مظفریاتنک فرداسنده ، انحلاله مهیا اولدیغنی ظن ایتدک . تام اون بش سنه لاف و کذافله ، حکایات موهومه ایچنده عمرمزی هبا ایتدک ..

اولا هیچ حواله سمع ایمان ایدیله ین ناقوس ایقاز برقاچ محرر طرفندن چالشمسدی .. فقط هیات که بزلر اووقت نه عنود خیالاته مستغرق اونش ایدک . اونلردن بریسی : موسیو ( وایس ) ( رهن مملکتنده ) نامنده کی اثریه ، برصیحه ایقاز ایله باغیرمشدی . و ۱۸۸۷ ده اثر حاضرک مؤلفی آلمانیانک ترقیات اقتصادیسی اوزرینه ایلک محصول تدقیقاتی نشر ایتدیکی وقت اعتماددن زیاده تردده قارشیلانمشدی . اوزمان عمومی اولان بوقفالردن بوکون همان آنجق ، غیر محسوس برصورتده ، پک آز قلابیلش کی کورینیور ! . اووقت دنبری مملکت مزده مهیج حکایه لر ، حیرت و ریجی ستایتستقلر نه قدار چوغالدى ! . مطرد بر ذم بعضاً ایشته بویله مفرط بر حیرانلغه ترك موقع ایدر ! . جرمانیای زیارت ایده نلرک اکثریسی ، اونک صنایع و تجارتنک نتایجی اوکنده حیرته دونمش ، شعاعتنک شدت نوریه کوزلری قاشمش ، دیسپیلینه ، استقامت و انتظام مهینه متحیراً مملکتلرینه دونیورلر ... هر حالده بونلرک ، اکثریاء حقسز حیرانلقلرینه تأسف ایله برابر ، کندیلرینه اعتراض ایتیه جگم .. ( لوور ) . کیرمکه هیچ وقت بولاماش و کچدکاری شهرلرده اک عادی بر مجموعه نقائسه بیله دقت ایتیمش اولان یوکیسه لر بکزمه جگم . اونلر ایچون هرشی شاشیله جق بر ماده در . چونکه مقایسه نقطه لری نقصاندر . بوسیدن فرانسه ده طانمادقلرینی اونلر آلمانیده بالطبع مدح ایدرلر .

بوکزیتی لر ، اگر فاعلرینک اصلا دوشونم دکاری بر نتیجه یی حصوله کتیرمه سایدیلر ، وخامتسز اولورلردی ..

« ( قروپ ) و ( وولقان ) کی مؤسسات معظمه آلمان در تنوطلرینک برادلسنه جسمیم سرمایه لرینی یانیرمش بولونیورلر .. انکلترونک بو ( دوق یارد ) لرک قبانسنی طلب ایتیمی جرمانیایه « اتحاد صناعی یی ارتکاب ایت ! .. » دیمک کی برشی در . هانکی ملت بونی یا بعه راضی اولور ؟ ! . « جرمانیانک ترقیات صناعیه سی حیرت افزادر .. » جهانده هیچ بردار الفنونک هنوز مالک اولمدینی یوزبیک لیرایه مال اولمش ، ( قروپ ) ک بر شهر کی اولان دارالصناعه لرینک سورلری ایچنده کی واسع حکمت و کیمیا لابوراتواری سرایی کوردیکم وقت جرمانیانک فنی ، علمی ، صنعتی نه موافق و مؤثر بر صورتده تطبیق ایتدیکنه یگیدن نجدید ایمان ایتدم .. یالکز فن مأمورلری حکومتدن سنوی ( ۳۰,۰۰۰ ) لیرا مخصوصات آلان ، درونلرنده جرمن صنایعنک رشیم حالنده کی اک چنین جو یزلری قیریلان ، میخانیکی و تحلیلی تحریات و تجاریه مخصوص ایکی حکومت مؤسسه سنک [ « غروس لیخ ته ر فله » ] ده کی ( Königliches Prüfungsamt دارالتجربه قرالی ) ایله « برلین » ده کی ( Reichsanstalt حکومت عائد دارالصناعه ) سنک خارقلرینی کوردیکم وقت حیرانلقلرم یوکسه لدی . ایشته جرمانیانک مظفریات تجاریه و صناعیه سی ( نهش ) نک ، ( برلین ) نک ، ( غروس لیخ ته ر فله ) ک بو « لابوراتوار » لرنده قزانیلور ...

« ایشته جرمن ( فترلاند ) نک بازار عالمده کی قدرتی یاراتان ، کمرک حمایه تعریفه لری دکل ؛ دارالفنونلرینه ، آلیات مکتبلرینه ، صنایع مدرسه لرینه متفکر بر دماغ و آل ، آیاق اولان بودهاش ( فنک صنایعه تطبیقاتی ) اوجاقلری در .. »

« آلمانیا ایش باشنده » کتابنک مقدمه سی

آره لرنده برچوق فرانسز بولان مدقق کاشفلر ، اوتوز بش سنه دنبری ، آلمانیده سیاحت ایدوب تبعات ده بولندیلر .. بونلرک مشاهدات نامه لری ، محررلرینک حالت روحیه سنک ، اوزمان ایکی قوم آره سنده کی مناسبات متقابل و وضعیتک ، بعضاده حقیقه خدمت ایتکدنسه ، فرانسز قارئینک

کجیکمش و طنداشلره فائده‌لی ، منه برضربه تازیانه ووردقلرینی ظن ایده‌رک ، مدخره حسایلرینده ضبط ایده‌مدکلی مدخلری ايله ، ذاتاً کافی درجه‌ده مخوف رقیبلی اولان آلمانلره تشویقکار بر ( ره‌قلام ) اولورلر .

و طنداشلر مرکز مستحسن برتهاجم غیرتله ، کورولتی ویا طیردی ايله آلمان مملکتته آره صره ترتیب ایتدکلی جمعیتی سیاحتلرده بوره‌قلاملردن آزه‌لکلی دکادر . بوراده ، خارجی تجارت قونسوللر مرکز پک تأسف ایتدکلی ، بر تدبیرسزلکی ایما ایتک ایستورم .

بر آرز زمان مقدم ، بویوک بر فرانسز صنعتک صنعتکارلری عینی صنعتک ترهر ایتدیکی بر آلمان شهرینه دوغری برسیاحت ترتیب ایتدیلر . بو سفر بری (تبع سیاحتی) نامی ویره‌رک یوز اللی کیشی کیتدیلر .۵۰ . خیرخواهانه رسم قبوللر ، ضیافتلر ، قدح طوقوشدیرمه‌لر ، عمومی یرلرده تنزه‌لر ، تیاترلر زائرلر ذل اولندی . حتی اونلر بر قاج دارالصناعه بیلر کوستربلدی . فقط هر کس بیلر که احوال معائنه‌ده ، صاقلامق آرزو ایدلمین شیلر کوستربلور .

غزته‌لر سویملی فرانسز رقیبلینک (تبع سیاحتی) ندن ، بر برلردن قیصقانیرجه‌سنه ، بول بولنه‌جک ایتدیلر . او درجه‌ده که فرانسزلرک بو صنعتی اوکرتمک ایچون مملکتلرینه کلدکارینه دائر دنیانک هر طرفنده کی مشربلرینی اقاع مقصدیه آلمان سیار قومیسونجی لرینک بو غزته‌لری هکبه‌لرینه صوقوشدیروب کوتورمه‌لری کفایت ایتدی .! بو قومیسونجیلر خطا ایتدیلر . مع مافیه آلمانیانک اعمالنده بزه تفوق ایتدیکی بر محصولدن بحث اولنیوردی . برده شو طرز حرکت باقوبده عبرت آلکز . آمریقایه ، انکلتزیه ، فرانسه یه کیرمش ، بو مملکتلرک کهنه نفوذ ایتدکلی اعمالات صناعیه‌سنی کندی وطنلرنده تطبیق ایتمش یوز بیکلرجه آلمان هیچ بزم تبع سیاحت جیلرمن کیمی حرکت ایتمش لردر ؟! نزد فعالیتلرینه منجذب اولدقلری اقوامک لسانلرینی قونوشور ، متواضع ، آلمانلره هر یرده تصادف اولنور .. اونلر

عمومی یرلره دوام ایدرلر ، خلق نه قونوشیورسه دنگلر وضبط ایدرلر ، قابریقه‌لرده خدمتکارلغه حتی عمله‌لکه داخل اولورلر ، دواملرینک ، غیرتلینک دلاتیلر عادتاً زورله اقدیلرینک اعتمادینی قزانیورلر .! صکرده ... آتی آی ، بر سنه ، ایکی سنه نهایتنده برده باقارسکزر که ناکهانی اورطه‌دن غائب اولورلر ! یاخود اذن آلوب کیدرلر . آرتق اوکره نه جکلرینی اوکره نمشلردر ! کوردیکلر سی حقیقی (تبع سیاحتی) نی !!! .

ایشته بو وجهه ، وامشالسز بر اصولک وصایت وحمایه‌سی آلتده ، تربیه‌دیده بر قدرت ايله ، مملکتک بتون قواسنک چالیشدی دیو آسا آلمان بنای محصولاتنک تمیل طاشلرینی اونلر طاشیورلر !! غیرت جسارتی تنیه ایدن بر صحیفه ايله عزم واراده‌نی قیران بر توصیف آره‌سندگی ، ویا غیراختیاری بر اعلانحیلک ايله بر مداحانه تصویر بیننده کی حدودی تعیین ایتک بحرر ایچون مشکلدر . ( دارمشتاد ) مرانغوزلقی مدح ایتک ، هر نه قدر معادل دکسه‌ده ، ( سنت آنتوان ) واروشنی فصل ایتکدر . فقط ( وسته‌فالی ) معدن کوموری اوجاقلرینک ( سنت نه‌تیه ) ککیلردن ده ائی مجهز اولدقلرینی سولیک فرانسز قومبانیلرینه کوی قالدقلرینی خبر ویرمکدر . بویله بر اخبارده آلمان کومورینک صاتیسنی هیچ بر وقته تسهیل ایتز .. و بو افکار عامه ایچون ده‌ها مفید بر معلومات ، بیلهدیکی یگی لکلی اشعار ، و خاطرندن کچمه‌مش اقلری اونک فکرینه کشاد ایتکدر .

فرانسز سیاحتی بوراده یاپیلان ايله اوراده یاپیلانی مقایسه‌یه میالدر . بوندن ماعدا استتاجی‌ده سوه . استتاجاتی قاره براقق ده ائی دکلیدر ؟ .

بونکله برابر بر نقطه‌اوززنده کی تضادلری بیلدیرمه‌مک‌ده غیر ممکندر : اوده هرایکی مملکتک حکومت نظارتلری آره‌سندگی فرق !... بزم اصول اداره‌لرمنزه تعجب ایدن نه قدر آلمان کوردیم ! .

« نظارت » کله‌سی آلمانلرک عندنده هر درلو معنای سیاسی‌دن معربر کله‌در !... بز بو ایکی تعبیری : ( سیاست

ایله نظارتی) نه قدر بر برینه قاریشدریورسحق اولرده  
یکدیگرندن اوقدرتفریق ایدیورلر ...

سیاست باشقهدر !. نظارت باشقهدر !. شو سطرلری  
یازارکن وطنداشلر مک چوغنک بو سویله دیکمدن برشی  
آ کلامیه جقلری نی پک اعلا حس ایدیورم . بونی ایی  
آ کلامق ایچون اجنبی بر مملکتده یشامش اولمق لازمدر .  
آلمان اتساعتک یالکز نتایجی دکل اسبابی مطالعه دن  
صکره درکه مونوق ادعالم تأید ایدر ...

ریقنور قامبره . — مترجمی : اورخان رضا

## وقایع مالیه و اقتصادیه



بر مملکتک قوام و بقای ثروت و سامانه باغیدر .  
زنکینلری کثیر، تزید ثروتنه خادم و سائطی و فیرا و لمایان  
مملکتلر بوعصرده حق سیاسی دکل حق حیات بیله  
قازانه ماز . زنکین اوله بیلمک، ثروت تأمین ایده بیلمک  
ایچون یکر منجی عصر بر طاقم معلوماک ایستیور . بویلیکیلرده  
بو کون آریجه علم و فن حالده تصنیف ایدلمش، و بونلرده  
«علوم مالیه و اقتصادیه» نامی ویرلمشدر . بناء علیه نا کافی  
اولان معلومات سابقه یی آرتدیره حق ایشته بو علومه دأثر  
تدوین اولتان آثاری مطالعه در . صکره ده آن بان تحول  
ایده کلن وقایعی تعقیبدر . بزوراده کی بحثلری نقل ایده جک  
دکلز . یالکز وقایعی تعقیب ایده جک، و مطلع اوله جفمز  
معلوماتی بالاده کی سر لوحه تحتنده — آیده بر کره — جمع  
ونشر ایلیه جکز . تفرق و مختلف محللرده کی معلوماتی شو  
صورتله بر آرده کورمک طبیعی فائده لیدر . بناء علیه  
امید ایتدیکمز فائده یی تأمین ایده بیلیرسه ک، ویره جکمز  
معلوماتله مملکتمزک احتیاجاتنه ناچیزانه اولسون تقابل  
ایلیه بیلیرسه ک نه بختیارلق .

ممالک عثمانیه داخلنده یتیشمه یی یتیشدیر یله مه یی شیلرک  
ممالک اجنبیه دن سر بستجه کیره بیلمسی، آن بان تجدد ایدن  
احتیاجاتک تطمیننه مدار اولمق اوزره اجانبک مملکتمزده  
اجرای تجارت و صنعت ایلیه بیلمسی ایچون اسلافز  
کندیلرینه بر طاقم مساعدات بخش ایتشیدی . ایشته و قتله

بول کیسه دن ویریلن و فقط شمدی مضرتی کرکی کبی  
ا کلاسیلان تمتع ویرکوسندن اجانبک استثناسی اوقیلدندر .  
طوعاً ویریلن بومساعده بالاخره عقد ایدیلن معاهده لره  
حکیرلمش، بوضورتله بدایه عاطفت قیلندن اولان شو  
مساعده ات بالاخره بر محبوریت آلتنه آلتشدر . مع مافیه  
دولتک حقوق سلطنتی محل اولان بوحال چوق زمان  
دوام ایده مزدی . مملکت داخلنده یرلیر، اوز و ظلیلر  
کبی چالیشیر، حتی کندیلرندن فضله استفاده تأمین ایده  
بیلیرلرکن اولرک مکلف اولدقلری بر ویرکودن ادعای  
معافیت منطفاً موافق دکلدی . بونک ایچون مسئله نک  
تسویه سنی حکومت بحق دولتلردن طلب ایتدی . و دولتلرده  
بو کالاس اعتباریه موافقت ایلدی . شمدی مسئله حکومتجه  
منتخب مرخصلره دول معظمه قونسلوسخانلری باش  
ترجمانلردن مرکب بر قومیسینونده تدقیق اولنیور، وعن  
قریب بر حسن نتیجه یی اقتران ایدرک اجانبک ده بو ویرکو  
ایله مکلف طوتیه جقلری قویاً امید ایدیلیوز . ذاتاً بدایت  
مشروطیتده بوسنه هر سک وسیله سیله عقد ایتدیکمز معاهده  
موجبجه اوستریا و مجارستان، طرابلس غرب مناسبتیه  
پایدیمز معاهده ایله ده ایتالیا حکومتلری — دیگر دول  
معظمه نک قبوله معلق اولمق شرطیه — تمتع ویرکوسی ده داخل  
اولدینی حالده بالعموم قایتالاسیونلرک الفاسنی قبول ایتشدر،  
و بودفعه ده او تعهدی نظر دفته آله رق دیگر دولتلری  
اقناع ایتیه یی شبه سز درعه ده ایله مشلردر . بناء علیه  
بو ویرکونک اجانبه تشمیلی حالده بودجه نک واردات  
قسمنه ای مقدارده ضمیات و قوعبوله جق، و بوضمک  
مصرف قسمنه فائده سی اوله جقدر . یالکز شوراده اعیتله  
قید ایدیه جک بر نقطه واردکره اوده تمتع قانون حاضرینک  
حصول مقصده تماماً کافی کلامیه جکیدر . قانونده قبول  
ایدیلن مکلفیت مقادیری دائماً سیزیلدی بی دعوت ایتدیکمه  
اولدینی زمان زمان مطبوعاتیه بیله انعکاس ایدن خبرلردن  
مستبان اولمقده در . بنابرین اجانبه تشمیلی صر دسند  
شکایاتک باشلامسنی منع ایچون حکومتجه نمیدین تدابیر  
اتخاذ اولنلی، قانونک مکلفیت قسمنی علی الخصوص اک  
زیاده شکایاتی بادی اولان قسم مقطوعک بر صورت